

Sindaun Jukuman täga mebäri mebäri

8

Sindaun 8:22-31

Imaka imaka nämo ahäjirä nadäk-nadäk tägatä intäjukun ahäjukuk

- 22* Yäput peņpäņ Yawetä imaka kuduptagän nämo ahäjirä näk jukun täņpäņ nepmaņkuk.
- 23* Bianiinik, kome ba imaka kubä nämo peņkaņä näk jukun iwoyäņpäņ nepmaņkuk.
- 24 Gwägu pähap ba ume dapuri kubä nämo ahäjirä näk jukun täņpäņ nepmaņkuk.
- 25-26 Pom taņi ba täpuri bägupiken nämo irirä näk bäyaņpäņ nepmaņkuk. Bureni, näk jukun nepmaņkaņ mädenaken kome ba äwan täņpäņ peņkuk.
- 27 Ba kadäni kunum kenta kome yäpurärätpäņ yepmaņkuko u näk imaka irira täņkuk.
- 28 Täņpäkaņ gubam komeniken punin yepmaņpäņ kome terak ume dapuri täwit-pewän umetä äbäņpäņ kome tokneņ moreņkuko uken imaka, näk uku itkut.
- 29 Näk ahäjikuro irira kometä itta bagani peņ imiņkuk, ba gwägutä бага peņ imani nämo irepmirekta yäntäreņ imiņkuk.
- 30* Täņpäkaņ näk kadäni kadäni Anutu dubiniken epän täņo watä äma ude oretoret terak

* **8:22:** Rev 3:14
17:5; Jon 1:1-3,18

* **8:23:** Jon 17:24; Efe 1:10-11

* **8:30:** Mat

itkaŋ bänep täga nadän iminira täga nadän naminükuk.

- ³¹ Bureni, kome päke u tänpän penkuko unita ore-toret täŋkut, ba ämawebe tänpän yepmanükuko unita udegän gäripi nadänkut.

9

Sindaun 9:1-12

Nadäk-nadäk tägatä ämawebeta gera yäyak

- ¹ Nadäk siwoŋi tägatä bek kehäromi 7 ude painpän uterak yori säkgämän tänpän penkuk.
- ² Ude tänpän tom däpmänpän ijinjit wain ume tänpewän gäripi niked ahawänkaŋ ketem nakta täŋtuŋum taŋkuk.
- ³ Ude tänpän epän watä webeniye yäwet-pewän päŋku yotpärare bämopiken gera ŋode yänkuŋ;
- ⁴ Oi, ämawebe nadäk-nadäkjin siwoŋi kubägän nämo, in näkä yotken äbut.
- ⁵ * Äbänkaŋ ketem ume säkgämän näkä täŋtuŋum täyat u naŋput!
- ⁶ Täŋguŋguŋ kädetjin u penpän irit täga kaŋ yäput. Täŋkaŋ nadäk-nadäk täga täŋo kädet kaŋ iwarut.

Äma mebäri yarä täŋo man

- ⁷ Äma inita nadänirän ärowani tänpäni yäpi siwoŋtäwa yänpän man yäweno uwä ganiŋ wäräre. U udegän, äma waki kubä ibeweno uwä nägät gurek.

* **9:5:** Sam 22:26,29; Ais 55:1-3; Jon 6:27

8 Unita äma inita nadänjirän ärowani tänpäni yäpi siwoŋtak man nämo iweren. U imata, äma uwä gäka gaŋani nadän gamek.

Tän äma nadäk-nadäki täga kubä yäpi siwoŋtak man iwereno uwä gäka nadän gamikinik tänppek.

9 Äma nadäk-nadäk täga nikek yäwetpäŋ yäwoŋärek tänpeno uwä nadäk-nadäki yäpurärätpäŋ nadäk-nadäk säkgämän ikek irek.

Bureni, gäk äma siwoŋi kubäta nadäk imeno uwä nadäk-nadäki yäpurärätpäŋ ätukät yäpek.

10 * Nadäkaŋ? Nadäk-nadäk täga nikek irayän nadänpäŋä eruk Yawe u umuri yän nadänpäŋ gämoriken kuŋaren.

Bureni, nadäk-nadäk täga yäpayän nadänpäŋä Kudupi Äma unitäŋo mebäri nadäkta piäni tänpen.

11 Nadäk-nadäk täga unitä täŋkentän gaminjirän kadäni käroŋi api it yäpmän ärowen.

12 Tänpäkaŋ nadäk-nadäk täga udewani nikek itpäŋ kuŋareno uwä nadäk-nadäk unitä api täŋkentän gamek. Täŋ yänärok man yänpäŋ kuŋarani ude ireno uwä gäkŋa täŋpi wanen.

25

Sindaun 25:6-7

Gupjin jop nämo yäpmän äronen

6* Gäk intäjukun äma injamiken gup yäpmän ärokärok nämo tänpen. Ba gäkŋata näk äma ekäni itat yän jop nämo nadäwen.

* **9:10:** Sam 111:10; Mat 11:27; Jon 17:3; 1Jo 5:20

* **25:6:** Sam

131:1

7 * Ude täŋpeno uwä intäjukun ämatä äma ekäni
kubä inamiken mäyäk man gäwerekta.
Täŋ kädet tågawä ŋode; Gäkŋawä äpani ude
iriri intäjukun ämatä ini dubiniken itta
gämagureko u uyaku tågawek.

* 25:7: Luk 14:8-10, 18:14; 1Pi 5:5

Anutu Täño Man
The New Testament and portions of the Old Testament
in the Tuma-Irumu Language of Papua New Guinea
Nupela Testamen na sampela Olpela Testamen long
long tokples Tuma-Irumu long Niugini

copyright © 1997, 2011 Wycliffe Bible Translators, Inc.

Language: Tuma-Irumu

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 18 Apr 2025 from source files dated 31 Aug 2023

914cbf46-f59a-54d1-b209-0f763534edb5